



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Capvt V. Ex Concilio a Lateran.

[urn:nbn:de:hbz:466:1-74544](#)

cap. 15. hoc tit. Cūm enim ut superiori commentario diximus, non possent Judæi commo-
mentarii permixtum cum Christianis, illis occasio-
nē scandali nō præbēre, debent cogi hi's diēbus,
in quibus passionis Domini, redēptionisque
nostrā memoria colitur, claudere ostia, & se co-
libere ab omni insultatione, & etiam debent co-
gi domos, parietesque suas tapetibus ornare, ut

faciunt Christiani, quando augusta, sacrosancta-
que Eucharistia processionaliter defertur per ci-
vitatem. Refolvit Tondut. lib. 1. variar. cap. 48.
per totum.

c Mancipia quoque.) Hanc partem exposui
suprā in cap. 1. hoc tit.

d Commorari.) ut dicemus infrā in cap. ad huc.

C A P V T V.

Ex Concilio ^a Lateran.

Iudæi, sive Saraceni, neque sub alendorum suorum puerorum obtentu, neque pro servitio, vel alia qualibet causa Christiana c. mancipia in domibus suis permittantur habere. Excommunicentur autem, qui cum eis præsumperint habi-
tare. ^d Testimonium quoque Christianorum aduersus Iudæos in communibus causis, cū illi aduersus Christianos testibus suis utantur, recipiendum esse cense-
mus, & anathemate decernimus feriendos, quicunque Iudæos Christianis volue-
rint in hac parte præferre, cū eos Christianis subjacere oporteat, & ab eis pro so-
la humanitate foveri. Si qui præterea Deo inspirante ad fidem se converterint
Christianam, à c. possessionibus suis nullatent excludantur, cū melioris con-
ditionis conversos ad fidem esse oporteat, quām antequam fidem susciperent, ha-
beantur. Si autem secus fuerit factum, Principibus, seu Potestatibus eorundem
locorum sub poena excommunicationis iniungimus, ut portionem hereditatis, &
bonorum suorum ex integro eis faciant exhiberi.

N O T A E.

Lateran.) Ita etiam legitur in prima collec-
tione, sub hoc tit. cap. 5. & reperitur tex-
tus hic in ipso Concilio Lateran. cap. 26. pro ut
in præsenti transcribitur.

b Iudeisive Saraceni.) Judei dicti sunt à Ju-
da, quarto Jacobi filio, & ab eis Palestina Re-
gio in Syria dicta fuit judæi, quia ibi habitarunt.
Josephus lib. 11. antiquit. cap. 5. Joannes Bo-
hemus de nationibus mundi Roman. in Republica He-
breorum cap. 3. Dicti etiam fuerunt Israélites, &
Hebrei, ab Hebre abnepote Sem, filio Noachi,
ut probat Suidas verbo Hebrei, Tertul. in apolog.
cap. 18. Hebrei retrò, qui nunc vocantur & Iu-
dei. Probant Firmianus lib. 4. inst. cap. 10. Tacitus lib. 21. annal. P. Gregor. lib. 2. partit. tit. 5.
cap. 1. Malvenda de Antechrist. lib. 11. cap. 3. Sar-
racenorum etymologias varias adduxerunt So-
zomenus lib. 9. cap. 38. D. Hieron. in Esiām,
cap. 21. Socrates lib. 4. cap. 29. Eusebius lib. 6. cap.
6. Beyerlinch. tom. 7. verbo Saraceni, Aldrete
in origine lingue Latina, lib. 2. cap. 23. Petrus Gre-
gor. ubi proxime, Covarr. lib. 4. variar. cap. 9. D.
Hieronymus à Sara uxore Abrahæ ita dictos
fuisse docet: quod & probat Alfonsus noster
in l. 1. tit. 25. part. 7. quam etymologiam eti si im-
pugnet Scaliger in Eusebium, defendit tamen Ci-
ronius in præsenti. Alii Saracenos dictos fuisse à
Sarraca urbe Arabia, afferunt, ut referunt Pau-
lus Emilius lib. 7. Franc. Histor. Faciunt Ptole-

meus lib. 6. Geograph. cap. 7. Marcellinus lib. 23.
ibi: Et in Asia Albanos mare rubrum, & Scenias A-
rabas, quos Saracenos posteritas appellavit. Notavit
Ufelius ad Covarr. d. cap. 9. Nunc autem nomina
haec religionis sunt, non gentis, & Judæi censem-
tur quicunque veteris Testamenti soli cortici
harentes novum omnino rejiciunt: Saraceni,
qui utrumque ex parte faltem admittunt, sed cū
impi Mahometi Pseudoprophetæ Alcorano:
sicut etiam Pagani communī nomine dicuntur,
& Gentiles, seu Ethnici, aliqui, qui numina fal-
sa colunt, in toto tit. C. de paganis. His adjungun-
tur Cœlicolas in rubric. C. de Iudeis, & Cœlicolis.
Et licet olim non alii fuissent Cœlicolæ, quam
Judæi, postmodum tamen Christianâ religione
florente Cœlicolas à Judæis secretos fuisse sua-
det lex 12. C. de Iudeis: & notarunt de eis addu-
centes plura Joannes Filefacus lib. 1. select. cap.
12. & Gothofr. in l. 19. C. Theodos. de Iudeis.

c Mancipia.) Juxta tradita supra. in cap. 1.

d Testimonium.) Verba quā sequuntur, extant
in cap. Iudei, de testibus.

e A possessionibus suis.) Immò magnopere fo-
vendi, magnisque privilegiis decorandi sunt.
Concil. Tolet. 16. can. 1. quod circa Indos no-
viter conversos, exprefse statuerunt Paulus III.
in sua bullâ, & Magni nostræ Monarchæ suis le-
gibus sanxerunt, quas refert Solorzanus tom. 1.
de jure Ind. lib. 1. cap. 18. num. 40.

C A P V T VI.

^a Ex eodem.

Ita quorundam animos occupavit sœva cupiditas, ut qui glorianter nomine
Christiano, Saracenis arma, ferrum & lignamina deferant galearum, & pa-
res, aut etiam superiores in malitia fiant illis, dum ad impugnandos Christianos ar-
ma

D. D. Gonzal. in Decretal. Tom. V.

N